

著者闕名

顱
頤
經

中國醫學大成續集

顛顛經提要

不著撰人名氏。世亦別無傳本。獨永樂大典載有是書。考歷代史志。自唐藝文志以上。皆無此名。至宋藝文志。始有師巫顛顛經二卷。今檢讀此書。前有序文一篇。稱王母金文。黃帝得之昇天。秘藏金匱。名曰內經。百姓莫可見之。後穆王賢士師巫於崆峒山得而釋之云云。其所謂師巫與宋志相合。當即此本。疑是唐M宋初人所為。以王冰素問注第七卷內。有師氏藏之一語。遂托名師巫。以自神其說耳。其名顛顛者。按首骨曰顛。腦骨曰顛。殆因小兒初生。顛顛未合。證治各別。故取以名其書。首論脈候至數之法。小兒與大人不同。次論受病之本。與治療之術。皆經中肯綮。要言不煩。次論火丹證治。分別十五名目。皆為他書所未見。其論雜證。亦多

秘方。非後世俗醫所可及。蓋必別有師承。故能精警至此。宋史方技傳。載錢乙始以顯頤方著名。召至京師。視長公主女疾。授翰林醫學。錢乙幼科。冠絕一代。而其源實出於此書。亦可知其術之精矣。茲據永樂大典所載。裒而輯之。依宋志舊目。釐爲二卷。俾不至無傳於後焉。按古今醫統。衛沈仲景弟子。好醫術。有才識。疏撰四逆三部脈經。小兒顯頤經。婦人胎藏經行世。名著當時。陳飛霞云。顯頤肇始於後漢衛沈。而成於宋人錢仲陽。其能用仲景地黃湯、治賦稟不足。以七味白朮散、治瀉利作渴。豈不卓然有見。於是有所謂是書爲衛沈所撰。尚待考證。

震 巽
艮 坎
坤 離

光緒四年秋日

栞濠安署檢

欽定四庫全書

顛顛經

提要

臣等謹案。顛顛經二卷。不著撰人名氏。世亦別無傳本。獨永樂大典內載其書。考歷代史志。自唐藝文志以上。皆無此名。至宋藝文志。始有師巫顛顛經二卷。今檢此書。前有序文一篇。稱王母金文。黃帝得之昇天。祕藏金匱。名曰內經。百姓莫可見之。後穆王賢士師巫。於崆峒山得而釋之云云。

其所謂師巫與宋志相合。當卽此本。疑是唐末宋初人所爲。以王冰素問註第七卷內。有師氏藏之一語。遂託名師巫。以自神其說耳。其名顛顛者。案首骨曰顛。腦蓋曰顛。殆因小兒初生。顛顛未合。證治各別。故取以名其書。首論脈候至數之法。小兒與大人不同。次論受病之本與治療之術。皆極中肯綮。要言不煩。次論火丹證治。分別十五名目。皆他書所未嘗見。其論雜證。亦多祕方。非後世俗醫所可及。蓋必別有師

承。故能精晰如此。宋史方技傳載。錢乙始以顧顛經著名。召至京師。視長公主女疾。授翰林醫學。錢乙幼科冠絕一代。而其源實出於此書。亦可知其術之精矣。謹據永樂大典所載。哀而輯之。依宋志舊目釐爲二卷。俾不至無傳於後焉。乾隆五十年二月恭校上。

原序

夫顛顛者。謂天地陰陽。化感顛顛。故受名也。嘗覽黃帝內傳。王母金文。始演四序。二儀陰陽之術。三才一元之道。採御靈機。黃帝得之昇天。秘藏金匱。名曰內經。百姓莫可見之。後穆王賢士師巫。於崆峒山得而釋之。敘天地大德。陰陽化功。父母交和。中成胎質。爰自精凝血室。兒感陽興。血入精宮。女隨陰住。故以清氣降而陽谷生。濁氣升而陰井盛也。甚者二儀互換。五氣相參。目觀元機。非賢莫達。謂真陰錯雜。使精血聚而成殃。陽發異端。感榮衛合而有疾。遂使嬰兒纒

養驚候多生。庸愚不測始末。亂施攻療。便致枉損嬰兒。吁哉吁哉。遂究古言。尋察端由。敘成疾目。曰顛顛經焉。真憑辨證。乃定死生。後學之流。審依濟疾。天和太清。降乘赤海。真一元氣乘之。則母情先搖。蕩漾懺然。是陽盛發陰。當妊男也。六脈諸經皆舉其陽證。所謂妊衰不勝藏氣。則觸忤而便傷妊。勝而氣劣。則母疾。三五月而發。皆隨五藏。心藏乾而口苦舌乾。肺藏竭而多涕發寒。肝藏邪而嗜酸多睡。脾藏發而嘔逆惡食。腎藏困而軟弱無力。藏妊氣平。則和而無苦。胎若劣而強得藏養。至生亦乃多疾。二儀純陰之證昇。

雜真一者。謂陰發陽。則父精薄。姪當成女也。六脈諸經皆發陰證。若血盛氣衰。則肥而劣氣。若氣盛血衰。則瘦而壯氣。餘藏妊之氣皆同男。說孩子處母腹之內時。受化和之正氣。分陰陽之紀綱。天地降靈。十月而化。萬物以生成。隨其時變。大理清純。化成祥瑞之基。全真道一。故生成焉。一月爲胚。精血凝也。二月爲胎。形兆分也。三月陽神爲三。魂動以生也。四月陰靈爲七。魄靜鎮形也。五月五行。分藏安神也。六月六律。定腑滋靈也。七月精開。竅通光明也。八月元神俱降。真靈也。九月宮室羅布以生人也。十月氣足。萬物成。

也。太乙元真在頭。曰泥丸。總衆神也。得諸百靈以禦
邪氣。陶甄萬類。以靜爲源。是知慎於調護。卽以守恬
和。可以保長生耳。故小兒瘦疴。蓋他人之過也。

顛顛經卷上

脈法

凡孩子三歲以下。呼爲純陽。元氣未散。若有脈候。卽須於一寸取之。不得同大人分寸。其脈候未來。呼之脈來三至。吸之脈來三至。呼吸定息一至。此爲無患矣。所言定息。呼氣未出。吸氣未入。定息之中。又至此。是和平也。若以大人脈五至取之。卽差矣。如此七至以上。卽爲有氣。或脈浮如弓之張弦。此爲有風。並可依後方合藥治之。或七至以下。此爲冷候。亦宜依後方合藥療之。或診候取平。或忽而不見。沈浮不定。伏

益根平者。此爲神鬼之病。且令求祟。續宜使藥。或桃柳枝湯浴。煎飲子爲使。一兩顆桃心。

孩子脈呼吸十五至以上。三至以下。皆死矣。

病證

初生小兒鵝口。撮襟。並是出胎客風著顛臍。致有此。可以小艾炙三壯。及烙之愈。

初生小兒至夜啼者。是有淤血。腹痛。夜乘陰而痛則啼。初生小兒一月內乳利如膠。是母寒氣傷胃所致也。初生小兒一月內乳利如血。是母胸有滯熱所作也。初生小兒一月內兩眼赤者。是在胎之時。母喫炙煇。

熱麵壅滯。氣入胎中。熏兒腦所致也。

小兒溫熱。皆因從氣熱而搏胃氣使然。下之氣平即愈。氣虛則生驚而變癇。

小兒驚癇。一從虛邪客熱相搏而生。其候當用補養安和即愈。加以性冷及太過即死。

小兒噦逆吐。皆胃氣虛。逆氣客於藏氣而作。當和胃養氣。如至下冷極。即小兒霍亂吐逆。皆胃氣與陰陽氣上下交爭而作。當用安和補藥調養即愈。

小兒容忤。無辜。皆因容入所觸。及暴露星月。小兒嫩弱。所以此候多惡。

小兒一眼青揉癢是肝疳。二齒焦是骨疳。三肉色鼻中乾是肺疳。四皮乾肉裂是筋疳。五髮焦黃是血疳。六舌上生瘡是心疳。七愛喫泥土是脾疳。孩子肌骨肥實。皮膚白。無故煩渴。此自小奶猛衝損肺。但依後方。內用甘草人參合飲子。若氣急甚。曾脹起。鼻連眼下。臉青色。呻吟之聲者。此必死之兆。不得與藥。

孩子痢如疳。澁者難效。痢如鵝鴨血者。脾已爛損。不宜與藥。

孩子凡有諸色疾苦。但臉下垂牽。必定死矣。

孩子瘡皆難效。或發無時。卽口噤咬牙作聲。此必死。

矣。呼爲惡瘡疔瘡。亦名爲鎖腸疔。

孩子無故搖頭。此是腦頂風。

孩子渴喫乳食。夜啼作聲。此卽是腹肚痛。

孩子喫乳食皆出。此是脾冷。

孩子無故肚大項細。四肢消瘦筋脈骨節弛緩。是小來少乳。嚼食與喫。早成骨熱疔癆。先宜與保童丸喫。續與柴胡鼈甲飲子。保童丸方見一切疔門中。柴胡飲子方見行遲門中。

孩子頭面胸膈肌厚。臂脛細瘦。行走遲者。是小時抱損。

孩子鼻流清涕。或鼻下赤痒。此是腦中鼻中疔。極宜

用後方青黛散吹鼻。兼傳下赤爛處。方見疳疾吹鼻門中。

已前並診候孩子疾狀。孩子氣脈未調。藏府脆薄。腠埋開疎。看脈以時。依方用藥。

孩子或夏中熱時。因乳母沐浴。多使冷水。奶得冷氣。血脈皆伏。見孩兒氣未定。便與奶。使孩子胃毒。及赤白兩般惡痢。此乃是奶母之過。凡浴後可令定息良久。候氣定。揉與之。卽全無患。

師巫燒錢。乳母須預祝之。勿令著水噴兒。皆令驚熱入心。轉成患害。切宜慎之。

凡孩子自生。但任陰陽推移。卽每六十日一度變蒸。

此骨節長來四肢發熱。或不下食乳。遇如此之時。上唇有珠子如粟粒大。此呼爲變蒸珠子。以後方退熱飲子療之。不宜別與方藥。幼幼新書註云。顧與經以以三十二日爲一變。說有不同。故兼存之。六十日爲一變。巢氏病源

驚癇癩證治

牛黃丸 治小兒胎驚及癇。或心熱。

牛黃

龍腦

馬牙硝

鐵焰粉 各一分

右爲細末。鍊蜜丸如梧桐子大。每日乳食前。熱水調破一丸灌下。令母忌口。

又牛黃丸。治孩子驚熱入心。疑成癩疾而色不定。啼哭不出。潮熱無度。不喫乳食。大段眼翻露白。手足逆冷。呼喚不應。

牛黃

研

大黃

獨活

各一分

升麻

琥珀

各別研

菴荳粉

大麻仁

別研各半兩

右爲細末。蜜丸如梧桐子大。空心熱水下。一丸。頓服之。食後再服一丸。至十歲加金銀箔各五片。忌博炙毒物。

虎睛丸。治孩兒風癩驚啼。不喫乳。

虎睛一隻

犀角

子芩各等分

梔子仁

大黃各十分

右五味爲細末。鍊蜜丸如梧桐子大。驚啼不喫奶。乳汁下七丸。風癇。米飲下五丸至七丸。小兒減丸數。取利爲度。忌毒物。若有虛熱。加知母六分。

又虎睛丸。治小兒子二十四種驚癇。壯熱。抽掣腳手。嘔吐。夜啼。眼腫。

虎睛

一隻。聖惠用一對。

梔子仁

茯苓各二分

牛黃

少許。聖惠用半兩。

人參

一分。聖惠用一兩。

鈎藤

大黃

各四分

犀角

末一分。聖惠用二兩。

黃芩

一分。聖惠用一兩。

蛇退

七寸燒灰聖
惠用一分

右爲末。蜜丸如黍米大。空心熱水下。隨年丸。輕者一服。重者三服。奶汁下亦得。聖惠熱水下。奶母忌一切生冷油膩毒物。

廣利方 治孩子驚癇。不知迷悶。嚼舌仰目。

牛黃

壹粒

右爲細末。研利蜜水服之。

二十二味虎睛丸 治孩子從一歲至大。癩發無時。口出白沫。小便淋瀝不利。

虎睛

一隻。生眼佳。曝乾酒浸。令黃色。

蚱蟬

四枚。去翅足炙。

真珠

蜂房各三錢

麻黃

鈎藤各三分

鐵精

防葵

大黃

子芩

龍齒

銀屑

梔子仁

羌活各四分

柴胡

升麻

白蘚皮

雷丸燒令赤

人參各三分

細辛一分半

蛇皮炙五寸

石膏五分

右爲末。蜜丸如赤荳大。四五歲五丸。日再服。大兒十丸。濃煎米飲下。忌生冷油膩。

疳痢證治

保童丸。治小兒孩子諸色疳候。或腹內虛脹。驚癇。頭髮立。常咬手指。瘡疳疳勞。臂脛細弱。行立不得。及鼻下常赤。清涕涎流不止。舌上生瘡。腦疳口疳。腹上筋脈青。

虎睛半雙

硃砂

麝香各一錢

龍腦

牛黃

巴豆

芎藭

桔梗

枳殼

檀香

茯神

人參

當歸

羌活

代赭

鶴虱

白朮

各半兩

右爲細末。下香砂巴豆令勻。鍊蜜丸如梧桐子大。一歲至五歲。每日一丸。十歲。每日兩丸。並空心米飲下。但稍知孩子病甚。卽加藥與之。孩子未效。奶母忌生冷。油膩。炙燻。毒魚。大蒜。米醋。

又方 治孩子疳痢。諸色疳。并一十五種病狀。一腹大。二皮膚黑黃。三骨節癭。四眼赤。五口赤。六鼻中生瘡。七頭髮黃。八咬指甲。九愛喫土。十愛喫甜物。十一身熱。十二頭大。十三臍凸。十四項細。十五面無光。並宜常服保童丸方。

硃砂分半

牛黃

麝香

蟾酥

各少許

阿魏二分

右先將硃砂於淨器中研如粉。入諸藥一時以蒸餅爲丸。忌羊血生冷等。

又方 治孩子疳氣。或腹肚脹上筋脈。頭大項細。喫物不知足。夜中卽起。腹內長鳴。

大黃

一兩

陳橘皮

二兩。酸醃貳合。浸兩日。曬乾。

蟻蜋

二十箇。去翅足。子熱燒醋安之。以盃蓋地上。去火毒。候冷取出。炒過。

右爲末。蜜丸如梧桐子大。每日空心熱水下十丸。忌如常。

紫雪圓方

治小兒五疳。兼腹肚虛脹。疳氣煩悶。或

時燥渴。

大黃

黃連

代赭

各二分

硃砂

麝香

各少許

杏仁

去皮尖別研

肉苳蔻

巴苳

去皮以冷水浸別研各一兩

右爲細末。蜜丸如赤苳大。每服空心米飲下一圓。五歲十歲只可服五丸。臨時加減。忌生冷。油膩。炙罇。

硃砂丸

治孩子疳痢。辨蟲顏色定吉凶。

硃砂

半石蓮大

阿魏

如硃砂大

蝙蝠血

三兩滴

蟾酥

少許

右爲細末。和少許口脂調。先以桃柳枝煎湯浴兒。後看小兒大小。以葦荳大填兒臍中。後用紙片可臍中貼之。用青衣蓋兒。看蟲出來。黃色者輕。青黑色重。

青黛散 治孩子鼻流清涕。或鼻下赤癢。

青黛

錢一

蘆薈

地龍 各半錢

硃砂

一字

瓜蒂

半錢

細辛

錢一

宣連

半錢

右爲細末。和合吹鼻中。入麝香少許。

保童丸

硃砂

麝香

新蟾酥

各等分

右研合成劑。合子內盛。丸如麻子大。又於一合子內浸一丸。以筋頭點入鼻中。亦名問命丸。但孩子病甚。卽與吹之。或得七噴。可以治之。五噴卽甚。三噴必死矣。此不可深着水。浸臨時入水。亦不畏。蓋腦散。治孩子腦疳鼻癢。毛髮作穗。面色赤。

地榆

蝦蟇

燒各一分

蝸牛殼

二十箇

青黛

石蜜

各二分

麝香

二大豆許

右爲末。吹鼻。當有黃水出。忌甜物。

胡黃連丸 治孩子熱疳。

胡黃連

蟾酥

各等分

右爲末。蜜丸如棗荳大。五歲熱水下二丸。

調中丸 治孩子諸疳。或熱攻衝心。肺氣急。晝夜有

汗。日漸羸瘦。不喫乳食。

柴胡

茯苓

人參

木香

桂心

大黃

濕紙裏煨

枳殼

麩炒。去皮瓢

甘草

炙

鼈甲

醋炙。各等分

右爲末。蜜丸如梧桐子大。每歲兩丸。至五歲三丸。

熱水下。忌如常。

地黃煎方

治孩子疳勞。肺氣熱。欬嗽。四肢漸瘦。心

肺乾。

生地黃汁五兩

蟾酥

生薑汁

蜜

各一兩

鹿角膠半兩

右先將地黃汁安鍋內。慢火煎。手不住攪。約五六沸下酥。又五六沸下蜜。次下膠。又下薑汁。慢火煎。候如稀餈。即住火。每食後兩度。共與一匙頭。忌毒物。

又方 治孩兒疳蝕口齒齟齬。宜露臭穢不可近。

葶藶

炒

梧桐律等分

右爲末。以臘月豬脂調。微煎作膏。取柳木筋子綿

裏。微微搵藥時烙。

又方 治孩子疳蝕脣鼻及諸瘡。

硫黃

乾漆

文蛤

右等分。燒灰。稍烟盡。研爲末。入麝香少許。以帛拭瘡膿血。後用藥乾摻之。立效。

又方 治孩子初患諸色痢。及微有疳氣。

右用枳實不限多少。炒令黑。拘破看內外相似。爲散。空心米飲下半錢。以歲加減服之。忌如常。

又方 治孩子赤白痢。

阿膠

赤石脂

枳殼

炒

龍骨

訶子炮半熟。去核。各半兩。白朮一分。

右爲末。一歲二歲。空心米飲下半錢。

又方 治孩子冷毒疳痢。白膿疳。日加瘦弱。不喫食。腹痛。

青木香

一分

黃連

半兩

右爲末。蜜丸如梧桐子大。一歲以上。空心熱水下。一丸。三歲五歲服二丸。藥性熱者。不宜多服。忌生冷。

溫脾散 治孩子水瀉利并脾冷。食乳不消。喫奶頻吐。

附子

乾薑

甘草

炮剉。各半兩。

白朮

兩一

右爲末。空心米飲下半錢。忌鮮魚毒物。

顛顛經卷上

顛顛經卷下

火丹證治

黃帝問岐伯曰。後生少稚。多被惡疾丹毒二品。若何分之。岐伯曰。陽解百年。一十以上爲毒。一十以下爲丹。丹毒一也。隨其大小分別以治之。有毒至依方。萬無一差。喻人間男女皆遭丹毒。至依此枉死者。復何限哉。良由信邪師之語。仍被恐之。愚昧之人。勿興下手。請依方用之。今出此圖形狀如後。

伊火丹從兩脇起。

神竈丹從肚起。

尿竈丹。從踝起。

胡吹竈丹。從陰囊上起。

天火丹。從腹背遍身起。

天雷丹。從頭頂起。

煉火丹。從背甲起。

方關。

胡漏竈丹。從臍中起。

廢竈丹。從曲臂起。

神氣丹。從頭背起。

土竈丹。從陰踝起。

朱黃丹。赤荳色。遍身上起。

螢火丹。從耳起。

野竈丹。從背脊起。

鬼火丹。從面上起。

伊火丹。從兩脇起。

右用猪糞燒灰。并鐵槽中泥拌調塗之。日三。

神竈丹。從肚起。

右用土蜂窠。杏仁。膩粉。生油調塗。立差。

尿竈丹。從踝起。

右用屋四角頭茅草燒灰。使雞子白調塗之。

胡吹竈丹。從陰囊上起。

右用水茄窠下泥。和苦酒塗之。

天火丹。從腹背遍身起。

右用樺皮白末。和生油調塗之。亦用赤石脂調塗。
天雷丹。從頭頂起。

右用陰乾蔥末。并赤石脂塗。又用竈下土。雞子白調塗。
胡漏竈丹。從臍中起。

右用屋漏水。調竈中土塗之。

廢竈丹。從曲臂起。

右用屋四角茅草燒灰。雞子白調塗之。

神氣丹。從頭背上起。

右用牯牛骨燒灰。羊脂塗之。

土竈丹。從陰踝起。

右用屋四角茅草竈橫麻及雞子白調塗之。

朱黃丹。赤荳色。遍身上起。

右用慎火草擣汁。和酒調塗之。

螢火丹。從耳起。

右用慎火草擣汁塗之。聖惠以醋調塗。

野竈丹。從背脊起。

右用柔香茸。葫蘆。赤小荳末塗之。立差。

鬼火丹。從面上起。

右用竈下土。雞子白調塗之。立差。

雜證

平和飲子 小兒初生。可日與之。

人參

茯苓

甘草

升麻 各一

右以水一白盞煎至一合。半月以來時時與之。乳母忌油膩。滿月及百晬以來。加之臨時。冷加白朮。熱加缺各半錢。

又方 治孩子臍中不乾。

白礬

一錢 服過

龍骨

一分

右爲細末。入麝香少許。每次使拭臍乾。摻之。用帕

裏避風。

青木香散 治孩子陰囊或如疝腫脹。

狐陰

一隻

蒺藜

炒

地膚皮

昆布

枳殼

炒

槐子

炒各一分

右爲末。一歲二歲空心服。米飲下一錢。

又方 治孩子蛔蟲咬心痛。面伏地臥。口吐清水痰涎。

檳榔

苦楝根

鶴蝨

炒各半兩

右爲末。空心熱茶下一錢。以意加減。忌粘食。

杏仁丸 治孩子或渴。此是蛔蟲傷。

杏仁

去皮

膩粉

各一分

右爲末。每用唾丸空心。米飲茶任下二丸。

又方 治孩子赤遊腫。或如丹。煩渴。渾身赤瘤。壯熱。

藜荳粉

鉛白霜

右細研。藜荳汁調塗之。

又方 取鉛霜。法將鉛來於石上打令薄。掘地作坑。同鉛片大。以杵搗坑實。滿坑著醋。以鉛蓋定。經一宿去。取霜如珠子大。和藥使之。如煩渴以後。服解熱飲子。又方

麥門冬

小蘆根

竹葉

乾葛

搗末

漏蘆

犀角屑

右用水四合。藥半兩。煎一合。無問食前後。徐徐與之。

硝石散 治孩兒身上無故腫。但覺肉色赤熱。

硝石

大黃

葶苈 各等分

右爲末。每用時。隨腫大小。取葶苈根研汁調塗腫上。如有惡物。卽看有點子。以膏貼之。四面以散子燻之。若無葶苈根。卽用雞子白。或車前根葉亦得。又方 治孩子胎中受風。長後或滿身癩癢如疥瘡。或如飢飽痒瘡。

葱白

硝

臭黃

硫黃各等分

右用油半兩。燒令熱。下少許蠟。先剝葱白三莖。細切。待油熱卽潑葱上。細研。續下硫黃。臭黃。硝。更研之。旋塗。

茴香散 治孩兒赤眼。并胎熱。及疳障多淚。

茴香

冬青膽陰乾

生甘草各等分

右爲細末。每洗眼時。取藥一分。水一盞。煎十沸後。溫洗之。或孩兒長大。卽藥并水。

引子方 孩兒用藥洗眼後。可更服之。

知母

黃芩

青箱子

地膚子

秦皮

車前子

山梔子

獨活各等分

右藥以水五合。煎二合。去滓溫服。忌食如常。

又方 治孩子聾耳。

白礬半兩燒過

龍骨

鉛丹燒各一分

麝香少許

右爲末。以綿裹竹枝子探膿水。以小荳大藥傅之。別以綿裏塞填之。勿令見風。

又方 治小兒聾耳。

石硫黃製

右爲細末。以糝耳中日一夜一。

又方 治孩子小便不通。

茯苓

通草

冬瓜子

車前子

各等分

右以水四合。藥半兩。煎一合半。作兩服。忌油膩。

側柏散 治孩兒風熱。

側柏

鬱金

天麻

酒浸一宿

乾蝎

天南星

地黃

去土

子芩

大黃

各半兩

右爲末。治風及驚。溫酒下。退熱。每夜熱水下半錢。

柴胡飲子 治小兒行遲。小兒自小傷抱腳。纖細無力。行止不得。或骨熱疳癆。肌肉消瘦。

柴胡

鼈甲

米醋塗炙

知母

桔梗

枳殼

麩炒去瓢

玄參

升麻

右藥等分。並細剉。每日煎時。三歲以下。取藥半兩。水五合。煎二合。去滓。分兩服。空心。食前後各一服。忌毒物。飲後用澡浴方。

澡浴方

苦參

茯苓皮

蒼朮

桑白皮

白礬

各半兩

葱白

少許

右藥剉細。每浴時取一兩。沸水二升浸藥。後通溫與兒浴之。避風於溫處妙。

又方 治小兒數歲不能行。

取葬家未開戶。盜其飯食來以哺之。不過三日便起行。勿令人知之。

顯頤經卷下

後記

《顛頤經》二卷，撰人不詳。唐以前未見著錄，至宋《藝文志》始載有師巫《顛頤經》二卷。其序文稱：王母金文，黃帝得以昇天，秘藏金匱。後穆王賢士師巫得而釋之云云。其所云師巫，與《宋志》合，當即此本。其名顛頤者，案首骨曰顛，腦蓋曰頤，小兒初生，顛頤未合，證治與大人不同，故以名書。又世所名《顛頤經》者，非此一書。據《太平御覽·張仲景方序》，有衛汛《小兒顛頤方》三卷，曰人丹波元胤《醫籍考》作《衛氏顛頤經》三卷。又宋·劉昉《幼幼新書》等引《顛頤經》文甚多，然多與本書不合，殆是別本《顛頤經》歟。本書首論脈候至數之法，次受病之本與治療之術。卷末論火丹證治，分別十五名目，皆他書所未見。末論雜證，並列

方藥。本書世少傳本，獨《永樂大典》載其書。清修《四庫全書》，館臣據以裒集成書，據《宋志》舊目，釐爲二卷。本次整理，即以清光緒戊寅錢塘丁氏常歸草堂刊《醫學叢書初編》本爲底本，以《叢書集成初編》本爲重校本，並參照《陳修園醫書六十種》本進行校對，勘正其訛誤，並加以圈點影印出版。

王愛林